

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

- रमजान दा पवित्र म्हीना मुकम्मल होने पर अज्ज पूरे मुल्खे च ईद-उल-फितर दा ध्यार पूरे जोश ते जज्बे कन्नै मनाया जा'रदा ऐ।
- जम्मू कश्मीर च बी ईद-उल-फितर पूरी खुशी ते अकीदत कन्नै मनाई जा'रदी ऐ। उपराज्याल मनोज सिन्हा, मुख्यमंत्री उमर अब्दुल्ला ते उंदे मंत्रिमंडल नै ईद दे मौके पर लोकें गी शुभकामना भेंट कीतियां न।
- प्रधानमंत्री नरेन्द्र मोदी औंदी 19 अप्रैल गी कटरा थमां कश्मीर तगर पैहली वंदे भारत एक्सप्रेस गी झंडी दस्सियै रवाना करगंन। जेहड़ा इस गल्लै दी सारत करदा ऐ जे 272 किलोमीटर उधमपुर-श्रीनगर-बारामुला रेल राबता मुकम्मल होई गेदा ऐ।
- उपराज्यपाल मनोज सिन्हा होरें कश्मीरी पंडत समुदाय दी मानजोग कश्मीर वापसी ते केन्द्र सरकार दे धेइयै गी पही पक्का कीता।

<><><><><><>

Eid-Ul-Fitar

अज्ज समूलचे देसै रू ईद-उल-फितर दा ध्यार धार्मिक श्रद्धा ते जोश जज्बे कन्नै मनाया जा'रदा ऐ। ईद गी रमजान दे पवित्र म्हीने दी सभरित दे प्रतीक दे तौरा पर मनाया जंदा ऐं इस मौके पर अज्ज ईदगाह ते मसीते पर नमाज अता कीती जा करदी ऐ। राजधानी दिल्ली च जामा मस्जिद, फतेहपुरी मस्जिद ते शाही ईदगाह च टकोहदे तौरा पर नमाज-ए-ईद अता कीती जा'रदी ऐ। राष्ट्रपति ते उपराष्ट्रपति होरें लोकें गी ईद दी मुबारकबाद दित्ती ऐं श्रीमती मुर्मू होरें अपने सनेए च आखेआ जे ईद-उल-फितर रोजें दे पूरे होने आला ध्यार। उनें मेद दस्सी जे एह ध्यार अमन-रमानदारी ते खुशहाल लेइयै औग। उपराष्ट्रपति जगदीप धनखड़ होरें आखेअपा जे ईद सांस्कृतिक, बनसबन्नता ते इक जुटता दा प्रतीक ऐ। उनें मेद कीती जे एह ध्यार उनें मुल्ले कदरें बक्खी समर्पित रौहने लेई प्रेरित करोग जेहड़े साढ़े जीवन गी दिशा दिंदे न।

<><><><><><>

Eid-Ul-Fitr

देसै दे होरने हिस्से आंगर ईद-उल-फितर दा ध्यार जेहड़ा रमजान दे पवित्र म्हीना मुकम्मल होने पर मनाया जंदा ऐ। अज्ज जम्मू कश्मीर च बी जोश जज्बे कन्नै मनाया जा करदा ऐ।

जम्मू च ईद दा मुख समारोह मरकजी ईदगाह रेजीडेंसी रोड पर लग्गे दा ऐ। मुखमंत्री उमर अब्दुल्ला ते उंदे मंत्रिमंडल नै लोकें गी पवित्र ध्याड़े दी मुबारकबाद दित्ती ऐ। मुखमंत्री होरें अपने सनेए च ईद दे महत्व पर लोह पाई जेहड़ी म्हीने भर चले दे रोजे ते इबादत मगरा पवित्र शीरबाद दे तौरा पर मनाई जंदी ऐ। उनें गलाया जे ईद ओ मौका ऐ जेहड़ा असेंगी रब बख्खी अपनी कृतज्ञता परगट करने दा मौका दिंदा ऐ। ईद ओ मौका ऐ जेहड़ा लोकें गी किट्ठे होइयै रमादान दे आशीर्वाद गी लैने, सामुदायिक सरबंधें गी निगगर करने ते आपसी भाईचारे गी होर बी तगड़ाकरदा ऐ। उपमुखमंत्री सुरिन्दर चौधरी होरें बी लोकें गी ईद-उल-फितर दियां मुबारकां दित्तियां। अपने सनेए च उनें गलाया जे एह ध्यार किट्ठे रलियै रौहने, रब दा धन्नबाद करने ते मुल्ल कदरें गी दर्शाने आला ऐ।

<><><><><><><>

LG-Greetings

उपराज्यपाल मनोज सिन्हा होरें ईद-उल-फितर दे मौके पर लोकें गी मुबारकबाद दित्ती ऐ। अपने सनेए च श्री सिन्हा होरें आखेआ जे ईद-उल-फितर दे पवित्र मौके पर ओ सब्बने लेई खुशहाली दी कामना करदे होई अज्जै दे दिने गी मुबारकबाद दिंदे न। एह दिन ना छड़ा एकता गी होर बी तगड़ा करदा ऐ सगुआं आपसी भाईचारे ते समोध गी बी निगगर बनांदा ऐ। उनें गलाया जे ईद-उल-फितर सब्बने लेई अमन-रमानदारी, खुशहाली ते तरक्की लेइयै आए।

<><><><><><><>

Jatinder-Bridge

प्रधानमंत्री कार्यालय च स्वतंत्र पदभार आले केन्द्रीय राज्यमंत्री डॉ. जितेन्द्र सिंह होरें जम्मू कश्मीर दे उपमुखमंत्री सुरिन्दर चौधरी हुंदे कन्नै रलियै उधमपुर जिले च गंभीर नाले पर मजालता राबता सड़क पर गड्डिङ्ग दी आओजाई आले इक दऊं गैले आले 135 मीटर लम्मे पुलै दे निर्माण लेई नीह पत्थर रखेआ। इस परियोजना पर 1 ज्हार 903 करोड़ 46 लख रुपे दी अंदाजन लागत औग ते एहदे बनने कन्नै प्रांतै च संपर्क राबता बधी जाग। उत्थें मजूद किट्ठ गी संबोधत करदे होई डॉ. सिंह होरें स्थानीय बसनीकें दी लम्मे अरसे थमां बकाया पेदी मंगे दे पूरा होने पर उनेंगी मुबारकबाद दित्ती। उनें जोर देइयै आखेआ जे एह पुल प्रांतै लेई इक महत्व आले सेतु दे रूपै च उब्भरग। उनें सरबंधत अधिकारिणं गी इस परियोजना गी बेल्ले सिर सबूरा करने दी ताकीद कीती। डॉ. सिंह होरें बेहतर सेवा मुहैया कराइयै ते ढांचागत विकास करियै लोकें दे जीन दे म्यार गी बेहतर करने दे सरकार दे धेइयै गी फही पक्का कीता। इस मौके पर बोलदे होई उपमुखमंत्री होरें केन्द्र सरकार ते खास करी डॉ. सिंह होरें गी इस पुलै गी नाबार्ड फंडिंग तैहत्त च मंजूर करने लेई उंदा धन्नबाद कीता। उनें मुखमंत्री हुंदी अगुवाई च जम्मू कश्मीर सरकार दे लोकें दिएं रोजमर्रा दिएं समस्याएं गी पबेड़ने दे धेइयै गी परतियै पक्का कीता ऐ। सब्बने हितधारकें गी लोकें दिएं मुश्कलें गी दूर करने च जम्मू कश्मीर सरकार दे पूरे सहयोग दा भरोसा दोआया।

<><><><><><><>

PMAY-G Extension

ग्रामीण विकास ते पंचैती राज केन्द्र मंत्रालय नै प्रधानमंत्री आवास योजना—ग्रामीण तैहत चला'रदे आवास प्लस—2024 सर्वेक्षण गी इक म्हीने लेई होर बधाई दित्ता ऐ। बाद्धू ग्रामीण कुम्बे दी शिनाख्त लेई खीरी तरीक 31 मार्च 2025 थमां अगड़ी करियै हुन 30 अप्रैल 2025 करी दित्ती गई ऐ। राज्यें ते केन्द्र शासित प्रदेशें गी निर्देश दित्ते गे न जे ओ आवास प्लस 2024 मोबाइल एपलीकेशन दा इस्तेमाल करियै सर्वे मुकम्मल करन। ग्रामीण विकास ते पंचैती राज मैहकमे दे सचिव होरें दस्सेआ जे 29 मार्च 2025 तगर जम्मू कश्मीर च जिले दे स्थावे सर्वे किश किश मुकम्मल गै हा ते समूलचे जम्मू कश्मीर च 4 लक्ख 475 योग्य लाहकारिएं दी शिनाख्त कीती जाई चुकी दी ही। राजौरी च सब्बने शा मते 42 ज्हार 141 सर्वे कीते गे ते ओहूदे मगरा पुंछ च 41 ज्हार 255 ते कुपवाड़ा च 38 ज्हार 275 सर्वे कीते गे न।

<><><><><><>

PM-Katra Vande Bharat

प्रधानमंत्री नरेन्द्र मोदी होर 19 अप्रैल गी कटरा थमां कश्मीर लेई पैहली वंदे भारत एक्सप्रेस गी खाना करगन। केन्द्री मंत्री डॉ. जितेन्द्र सिंह होरें जम्मू च संवाददाताएं गी संबोधत करदे होई आखेआ जे प्रधानमंत्री होर 19 अप्रैल गी उधमपुर पुज्जगन ते दुनिया दे सब्बने शा उच्चे रेल पुल दा उद्घाटन करगन। वंदे भारत रेल फिलहाल कअरा थमां चला करोग की जे जम्मू स्टेशन पर एहूदा नमीकरण आला कम्म चला करदा ऐ। कटरा कश्मीर रस्ते पर 38 सुरंगा, 927 पुल ते 1315 मीटर लम्मा चनाब पुल बी शामिल ऐ। जेहड़ा एफिल टॉवर थमां बी उच्चा ऐ। वंदे भारत ट्रेन कन्नै जम्मू—श्रीनगर बश्कार यात्रा दा समां मता घट्ट होई जाग। 272 किलोमीटर उधमपुर—श्रीनगर—बारामुला रेल राबता मुकम्मल होई गेदा ऐ।

<><><><><><>

LG-Navreh

नवरेह दे पवित्र मौके पर उपराज्यपाल मनोज सिन्हा होरें कल कश्मीरी पंडित सभा आस्सेआ अम्बफला जम्मू च आयोजित नवरेह समारोह च हिस्सा लैता। उपराज्यपाल होरें उत्थें मजूद लोकें गी दिली शीकामनां भेंट कीतियां ते उंदी खुशी ते बेहतर भविष्य दी कामना कीती। उपराज्यपाल होरें कश्मीरी पंडितें दी कश्मीर वापसी दे केन्द्र सरकार दे धेड़्यै गी फही दोहराया। उनें आखेआ जे सरकार एहूदे पर कम्म करा'रदी ऐ। उपराज्यपाल होरें आखेआ जे इस मौके पर असेंगी कश्मीरी पंडित समुदाय दिएं महान शख्सियतें गी चेता करियै उनेंगी श्रद्धांजलि देनी चाहिदी।

<><><><><><>

LG-Rajasthan Day

उपराज्यपाल मनोज सिन्हा होरें कल जम्मू च राजभवन च राजस्थान दिवस समारोह दी मेजबानी कीती। इस मौके पर उपराज्यपाल होरें राजस्थान दे लोकें गी शुभकामनां भेंट कीतियां। राजस्थान दी धरत अपने योद्धे, सगोसार संस्कृति ते महान ऐतिहासक विरासत लेई जानी जंदी ऐ। राजस्थान प्राचीन भारती सभ्यता दा अपनी टकोहदी संस्कृति, कला, ज्ञान, रीति रिवाजें, परम्पराएं ते नैतिक मुल्ल करी इक मुख् केन्द्र ऐ, जिनें भारत दे पूरे पराते विकास च अपना अहम योगदान दित्ता ऐ। एपराज्यपाल होरें आखेआ जे शिल्प, संगीत, नृत्य ते चित्रकला दे क्षेत्र च राज्य दा उत्कृष्ट योगदान ऐ। उनें राजस्थान दे मन्ने परमन्ने दे नायकें गी श्रद्धांजलि भेंट कीती ते राश्र् निर्माण च उंदे अनकथ योगदान गी चेता कीता। उपराज्यपाल होरें नोजवानें दा आह्वान कीता जे ओह सब्बने राज्यें ते केन्द्र शासत प्रदेशें च राश्र्तीय ऐता दी भावना गी मजबूत करने लेई सरगर्मी कन्नै योगदान देन।

<><><><><><>

DC Kishtwar

जिले च ईद ते नरातें गी अमन रमानदारी कन्नै मनाने लेई किश्तवाड़ दे डीसी राकेश कुमार शवन होरें कल तैआरिएं दी समीक्षा कीती। डीसी होरें गौरी शंकर मंदर सरकूट ते ईद दी नमाज लेई थाहर चौगान सनें महत्व आले थाहरें दा दौरा लाया। अपने दौरे उदरान श्री शवन होरें किश्तवाड़ विकास प्राधिकरण ते म्यूनिसिपल काँसल दे अफसरें गी निर्देश जारी करदे होई आखेआ जे ओ लोड़चदे इंतजाम ते सफाई सुथराई पर टकोहदा ध्यान देन। उनें बक्ख-बक्ख मैह्कमे बश्कार तालमेल बनाइयै कन्नू बवस्था गी बनाए रखने पर बी जोर दित्ता।

<><><><><><>

DC-Poonch

पुंछ दे उपायुक्त विकास कुंडल होरें राश्र्ती जरनैली शिड़क एनएच-144ए पर भाटादूरिया थमां लेइयै पुंछ आले हिस्से पर चेता करदे होई कम्में दा जायजा लैता। उनें भाटादूरिया संजीत टनल परियोजना आले कम्में दी बी समीक्षा कीती। दौरे दरान डीसी होरें परियोजना दे महत्वै आले पैह्लुएं दा बी जायजा लैता। श्री कुंडल होरें कम्म करोआ करदियां अजेंसिएं गी निर्देश जारी करदे होई आखेआ जे ओ शिड़के दे निर्माण कम्में दी रफ्तार गी बधांदे होई म्यार दा बी पूरा ध्यान रखन तां जे खित्ते दे लोकें गी इंदा लाह् थोई सकै।

<><><><><><>